

silence, & luy les instruifloit felon fa portée, ne fçachant plus que dire, il fe mit à crier fi fort contre leurs fuperftitions, contre leurs feftins à tout manger, monftrant la brutalité de leurs mœurs, & benifant Dieu, d'auoir quitté fon ancienne barbarie, il dit tant de chofe contre l'inutilité, & la folie de leurs tambours que tous ceux qui en auoient, les allerent tout foudainement querir, & les mirent en mille [201] pieces en fa prefence, cela l'eftonna, & le confola fort: quand il fut de retour, il ne fçauoit fe comprendre: Nikanis, me faifoit-il, ie les ay penfé amener icy avec moy; s'il euſſent eu dequoy acheter des viures pour paſſer l'hiuer, ils m'auroient fuiuy, tous ceux que i'ay veus font dans la reſolution de fe faire instruire, & de quitter leurs anciennes couſtumes, pour embraffer les noſtres. Enfin, ie ne doute point que toutes ces pauvres petites Nations qui font dans les bois, où nos Chreſtiens frequentent, ne fe viennent ranger au bercail de l'Eglife, ſi on les peut fecourir.

Pour conſuſion, le Pere arriua à Tadouſſac le ſecond iour de Iuin, & en fut rappellé le vingt-neuf, il baptiſa quatorze ou quinze Sauuages, notamment des enfans & des perſonnes âgées; il en auroit baptiſé bien dauantage, ſi ces pauvres gens euſſent eſté en vn lieu, où ils pourroient eſtre conſerués en la foy, tout cela arriuera en ſon temps: Le Dieu qui les a touchés, & qui les appelle, leur ouurira la porte, & leur donnera le moyen d'executer ſes ſainctes volontés. Ainſi ſoit-il.